



**ZIMBABWE SCHOOL EXAMINATIONS COUNCIL**  
**General Certificate of Education Ordinary Level**

**TONGA LANGUAGE**  
PAPER 1

**4009/1**

**SPECIMEN PAPER**

2 hours

Additional materials:  
Answer paper

**CHIINDI:** Mahola aabili

**MALAYILILE KULIBASIKUSUNKWA**

Lemba zina lyako, mweelwe wabusena mpulikusunkilwa amweelwe wako nusikusunkwa mumyeenya yakulembela njupedwe aapepa lyako lyansandulo/mukabbuku kansandulo.

Sandula mibuzyo yoonse njutasale **muchiTonga**.

Lemba nsandulo zyako mumapepa aakulembela ngwaapegwa.

Naa wabelesya mapepa aabili naakuti aayindilide, **awange antoomwe**.

**NCHENJEZYO KULIBASIKUSUNKWA**

Butebuzi bupegwa mubuzyo umwi awumwi naa kapanzi kamubuzyo bulitondeezegwe mumanteeka [ ] kumamanino aamubuzyo.

---

**Musunko ooyu ulimumapepa aalimusanu aalembledwe, aatatu aatalembledwe.**


Copyright: Zimbabwe School Examinations Council, Specimen paper.

# SANDULA MIBUZYO KUTOBELEZYA MALAYILILE AALIMUCHIPANZI CHIMWI ACHIMWI.

## CHIPANZI I

**Basikusunkwa bachenjezegwa kuti bamane hola limwi kabasandula mubuzyo uuli muchipanzi eechi.**

- 1 Sala mutwe wamakani ube uumwi kuleeyi iitobela mpawo ulembe lwaano, njoomo naakuti lugwalo amabala aanga alaba aakati kanyaanda iine iilamakumi musanu, amyaanda musanu (450 – 500). Mulugwalo, ikkeyala, injuzyo amasimpilo tazibalwi mumyeelwe yamabala.
  - (a) Lemba njoomo yabantu babili kabazuwa aatala azichelezya lusumpuko mubusena bwabo azinga zilachitwa kuzunda nchelezyo eezyo.
  - (b) Basokwe bakabana ziyu.
  - (c) Bubotu bwakwelanisigwa kwamilaka.
  - (d) Lemba lwaano lulaamajwi aati, “...Nakamana kundiyiila lwaano ndakazumina kuti lyajuunza lilabambilwa”.
  - (e) Musule akuzwidilila kabotu muziyyiyo zyako, lemba lugwalo kumutabi ukubbadalila kokumbila kuti bakutole kuchikolo chilazyiyyo zyaSTEM. Kopandulula manjezeezya aako musule akuchita akumanizya zyiiyo eezi.
  - (f) Kujatwa bulwazi bwachuka tenkukujinka kwabuumi bwamuntu pe. Zuwa.
  - (g) Gilafu litobela litondeezya zintoolo zyobile, Twaabane aKabucha, ziyakidwe mubbooma lyaKaani. Twaabane nchintoolo chamwiiyi mupati Syamungoli amukayintu wakwe Salia. Chintoolo eechi chuuzya zyoonse zyamayake. Kabucha nchintoolo chasimaali Mukando, chuuzya zizwato zyoonse. Langisisya gilafu eeli mpawo ulembe lwaano kupa bupanduluzi bwabutebuzi bwabasimakwebo aaba mumunyaka wa2016.



[50]

## CHIPANZI II

### 2 Bala lwaano lutobela mpawo usandule mibuzo iitobela.

BaTonga mbulumbu bwabantu bakkala afwiifwi amulonga Kasambabezi. BaTonga mbaamwi bamisyobo yabantu miche muchisi chaZimbabwe. Bantu aaba bakalikkede mukulyiiba kaatakwe akati choko nkaambo buleli bwamakuwa tebwakalina kubakolongania pe mane do mumwaka wa1957 mpukwakaba syakalamfu. Zyuulu azyuulu zyaabana buleya bakali mumusena amulonga kabazulwidwa abaami bakali kkumi amusanu bakalonzegwa. Balombwana abasimbi bamulaka munono mbuuli buchi amakupa bakalisiya gezi lyaKasambabezi. Bakeenda anga nkweeneena, musule, isena lyamulonga wanchelela lyakaba lwizi lwameenda atagoli. Kujalwa kwamulonga ooyu kuKaliba kwakali kwakuti basimalungu bajane magesi.

Nkabela chilengwa eechi, ngomunse walwaano oolu. Sikwaana lwaano wakabungania twaano akulyeema kwabaTonga bakkala mubbooma lyaBinga bali kkumi amusanu abantu bobile. Boonse basikuluula makani alwaano mbaTonga bakatandwa mulwizi chiindi basimalungu nibakayaka dambwa lyakaliba. Aaba mbibanga balaambwa kuti mbibalembi banchobeni balwaano oolu. Kwaana a kwiimba nkubachita bantu aaba kuchita kuti chiimo chakulonzegwa kwabaTonga kube kupya mummyoyo yabo. Kulabukubalusya alimwi kwaanana kwanzubo, amikowa, kuzyama kwamyuunda atubanda twanzubo zyabo mumaanzi. Kulabayibalusya alimwi kusonswa kwabo mumaloli kabalolwa kuzimpayuma zyanika, ooko asunu nkobachiyabila mubuumi.

Lwaano oolu abuumi bwabaTonga anga zilamuleya sikweeba uzida kubona dambwa lyakaliba akutanta maato naa kuteya nswi akubona banyama biyo. Umwi wabalembi bazibikene kapati Dorris Lessing muli lumwi lweendo lwakwe mu 1989 wakaswaya baTonga. Ulaamba mukapanzi katobela munsu nzyakabona, azyakamudodonya aatala abuumi bwaba Tonga. Zyakamutyompa mwana musimbi.

Masimpe kuti baTonga bamulwizi mbachete mbuuli bamwi bayimwi misyobo mbindakabona muZimbabwe. Balikotede nkabela bamwi kabali tunduba. Myuunzi iyebeke nja baami biyo, nkuujanika maanda mapati ayakidwe kabotu. Buumi bwaba Tonga kuzwa chiindi nibakalonzegwa mugezi lyamulonga, mbuyumuyumu kabuchisa kabuli bwakufwaba chiindi choonse. Nibakatandwa mulwizi mubakali basinchelela abazubanswi bakeezya kulima nzembwe nkaambo tifwambi kufwa kuti kwabulika mvula. Kwakaza bundonga akulya zilyo. Bachimvwinye, nswabaanda ampasu zyamisyobo zyakavuumukilwa mummyuunda.

Bakeezya Kuyamina anzila zisiyenesiyene. Bakawuma zigabba pesi zyakabula mulimu. Bakayamina nswabaanda azimwi mpasu pesi tekwakaba achiboozyo. Eelyo baTonga bakeezya kulima zipopwe, nzovu azyalo zyakati akokuno mbukubede chalwiimbo lwaba Mantangwa. Zyakalya nzovu zyajala myuunda yoonse.

Magesi akalafwiifwi kusika muBinga intambo zyawo zyakali zyakikkwa kale, kazilindilide kubeleka. Aaya magesi taakwe natondeezya kuzoobagwasya pe baTonga mummyuunzi yabo. Nkabela dambwa lyaKaliba talijisi mpindu mpati pe kubaTonga bakazwa mukuti.

Mazuba aano dambwa lyaKaliba lyakakomena mbuli lwizi. Ndisungwaazya baswaya kuti kabaza kudamu lyaKaliba nkaambo taakwe lili mbuuli ndilyo munyika yoonse kumalambwa akaanzwa kumaboko aabantu. Nekuba boobo nomuswaya mutaswayili baTonga bakuMatongo pe nkaambo buumi bwabo anga bulamutyola myooyo! Mbakachibona mulembi.

Kuli nakweenda, machise akufwaba kwabaTonga kutyompa myooyo munzila zyaandeene. Pesi baTonga bakazwa mukuti tabali bantu batyompedwe pe. Bona bachibwezedede kuti bakalonga kuti basumpule chisi chaZimbabwe nkaambo chakelede kujana magesi. Muntu woonse weelede kuchimvwisisiya kuti banabuleya mbasiluyando lupatikuchisi chabo. Nkabela lwaano oolu lwaaninwa kuti luundu lubone kulipeda baTonga nkobakachita mukusumpula chisi. Woonse uswilila naa ubala lwaano oolu teeledede kusubila moyo pe. BaTonga sunu bachijisi bulemu, buntu susu bwabo alimwi bachilemeka tunsiyansiya twabo antoomwe abukkale bwabo.

Mudaala Kapu wakaamba kuti baTonga bamukuti bakali kulima misyobo myiingi yazisyu njibakali kuyandisya kulya. Kwalino zisyu eezi tabachizijani. Miinza bali kulima myuunda yazilyo. Muchiindi champeyo bakali kulima nchelela. Nkabela nchelela yakajisi zisyu zyali kukomena aamusyu. Kwali kuligwa zisyu zili boobu, chamudonga, ndululu, siamukwalu, kafuwakenswi, asibhololozya. Nkaambo kamyuunda anchelela nzibakalaazyo, bali kulya kwamwaka woonse.

Awalo Sinamugulu wakaba achakulungununa musule aKapu. ‘TobakuMatongo twakajisi nzila zyali kutuchita kuti tuzibe kuti njiili mbuto njitweelede kubyala mumyuunda mwaka umwi awumwi. Chiindi chamvula nichali kusika, twalikunika busweezyo munchili. Eeyo nchili yakalikuchaala kumbali amuunzi kwabusiku boonse kutegwa niiwa mvula maanzi atelekele. Kwanooli nchili eeyo yazula maanzi chakufwasuka, twalikuziba kuti munyaka ooyo kuli myolomyolo yamvula. Eeyo kukubyala twalikubikka mbuto iyanda maanzi miingi. Chimwi chalikuchitwa nkutola bukande kumalende kwakali kupundulwa. Kwakali kubwezwa nongo zibili yabaalumi ayabanakazi.

Zyalikubikwa musokwe. Musule akupiila mizimu aakabanda, bantu balikubweeda kuyoolanga nongo. Wakayungizya muchembele Nkwezya. Kwajanika kuti munongo yabaalumi muli maanzi pesi muli yabanakazi kakuli maya, chali kwaamba kuti kunoli mvula inche ooyo munyaka. Bantu balikubuzigwa kuti babyale nzembwe eeyo itafwambi kufwa. Mbuboobu mbutwali kupona.

Lwaano oolu lwakabwezegwa kubbuku BATONGA BAMULWIZI 1998, SILVERIA HOUSE, HARARE, Lya Fr Mike Syamayuwa Tremmel.

**Mibuzyo**

- 2.**
- (a) Niinzi chakabapede kulyiiba baTonga bamulwizi? [1]
  - (b) Kulyiiba kwabaTonga kwakagola lili? [1]
  - (c) Pa mulongo wamabala otatwe aatobelene atondeezya kuti buleya tebwakachisyoma chilengwa chakabawida. [1]
  - (d) Nimpinduunzi yakali kulangililwa kudambwa IyaKaliba? [1]
  - (e) Mbangane bantu bakaswayigwa mukulemba Iwaano oolu? [1]
  - (f) Nkamboonzi baTonga nibaana akwiimba muchibalo eechi? [2]
  - (g) Pandulula kuti mweenzu muchisi chabaTonga anga lulamuleya buti Iwaano lwabaTonga. [2]
  - (h) Nkamboonzi buumi bwabaTonga nibwakali kuchisa kumeso aDorris Lessing? [2]
  - (i) Tondeezya chaketelezya baTonga kuti balime zipopwe. [2]
  - (j) Nkamboonzi baTonga bamukuti nibatatyompedwe akulonzegwa kwabo? [2]
  - (k) Pandulula mabala aatobela mbuuli mbabelekedede mulwaano. Nsandulo yako tayiyelede pe kwiinda mabala aali musanu.
    - (i) kusonswa
    - (ii) kuyamina
    - (iii) zyajala myuunda
    - (iv) kusubila moyo
    - (v) amusyu [5]
  - (l) Mumabala atayindi kumakumi ali musanu (50), fwiinsya Iwaano oolu kolanga bakuMatongo mbubali kuziba mbuto yakubyala antoomwe abwiingi bwamvula. [10]









